

ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆ ԱՆՁՆԱԿԱՆ ՏՎՅԱԼՆԵՐԻ ՊԱՇՏՊԱՆՈՒԹՅԱՆ ԳՈՐԾԱԿԱԼՈՒԹՅՈՒՆ

ՏԵՍԱՀՍԿՄԱՆ ՈՒՂԵՑՈՒՅՑ

ԵՐԵՎԱՆ, 2016

SEUUՀՍԿՄԱՆ ՈՒՂԵՑՈՒՅՑ

Տեսաիսկման ուղեցույցը մշակվել է Հայաստանի Հանրապետության Արդարադատության նախարարության Անձնական տվյալների պաշտպանության գործակալության կողմից։ Ուղեցույցի նպատակն է ներկայացնել տեսաիսկման իիմնական կանոններն ու սկզբունքները՝ ապահովելով մարդկանց անձնական տվյալների պաշտպանությունը։

Ուղեցույցը մշակվել է` առաջնորդվելով <<Անձնական տվյալների պաշտպանության մասին>> ՀՀ օրենքի պահանջներով և տեսահսկման կարգավորման միջազգային չափանիշներով։ Տեսահսկում իրականացնող յուրաքանչյուր անձ կամ կազմակերպություն պետք է առաջնորդվի <<Անձնական տվյալների պաշտպանության մասին>> ՀՀ օրենքով և այս ուղեցույցով։

1.Տեսաիսկման համակարգը և անձնական տվյալներ պարունակող տեսագրությունները

Տեսաիսկման համակարգը տարածքի, միջոցառման, գործունեության կամ անձի տեսա/ձայնահսկումն է էլեկտրոնային սարքավորման միջոցով։ Համակարգը կարող է աշխատել տեսագրման ռեժիմով (երբ տեսագրվում է) և իրական ժամանակում տվյալների փոխանցման եղանակով։

Տեսաիսկման համակարգով կատարված տեսագրությունը համարվում է անձնական տվյալ, եթե`

• հնարավոր է նույնականացնել տեսագրության մեջ երևացող անձի դեմքը (ուղղակի նույնականացում)

կամ

 անհնար է նույնականացնել անձի դիմային առանձնահատկությունները, բայց տեսանկարահանված անձի ֆիզիկական կամ վարքագծային առանձնահատկություններն այլ տվյալի հետ համեմատելով՝ հնարավոր է նույնականացնել անձին (անուղղակի նույնականացում):

Այսպիսով, մարդու տեսանկարն անձնական տվյալ է, որը թույլ է տալիս ուղղակի կամ անուղղակի նույնականացնել անձին։ Հետևաբար, տեսախցիկի միջոցով իրականացվող տեսանկարահանումը և տեսահսկողությունը (այսուհետ՝ տեսահսկում), որպես անձնական տվյալի մշակում, նախատեսում է անձնական տվյալի մշակման, օգտագործման և պաշտպանության պահանջների և սկզբուն քների ապահովում։

2. Տեսահսկման համակարգի տեղադրման և օգտագործման սկզբունքները

Տեսահսկումը տարածությունը և վարքագիծը մշտադիտարկելու/վերահսկելու միջոցներից մեկն է, բայց ոչ միակը։ Քանի որ տեսահսկումը միջամտություն է անձնական կյանքին, տվյալներ մշակողը պետք է իրապես գնահատի սպառնալիքը և հիմնավորի նման համակարգի օգտագործման անհրաժեշտությունը։ Մասնավորապես, պետք է գնահատել հետևյալը՝

- Տվյալներ մշակելու իրական անհրաժեշտությունը և նպատակը,
- Համակարգի ազդեցությունը անձի մասնավոր կյանքի իրավունքի նկատմամբ,
- Այլ միջոցներով նպատակին հասնելու հնարավորությունները:

Տեսահսկման համակարգը պետք է տեղադրվի և շահագործվի **օրինականության**, **համաչափության**, **թափանցիկության** և **անվտանգության** սկզբունքների պահպանմամբ։

2.1 Օրինականության սկզբունք

Տեսաիսկումը պետք է իրականացվի միայն օրենքով նախատեսված նպատակներով և առանց տվյալների սուբյեկտի համաձայնության չեն կարող օգտագործվել այլ նպատակներով։ Օրինակ, կրթական հաստատությունում գույքի պաշտպանությունը ապահովելու նպատակով տեղադրված տեսահսկման համակարգը արգելվում է օգտագործել վերահսկելու ուսումնական գործընթացը։

Տեսաիսկման համակարգի տեղադրումը կարող է հետապնդել մեկից ավելի օրինական նպատակ։ Օրինակ` առաջին օրինական նպատակը կարող է լինել հանցագործությունների հայտնաբերումը և կանխումը, իսկ երկրորդը` Ճանապարհային երթևեկության անվտանգության ապահովումը։

2.2 Համաչափության սկզբունք

Տվյալներ մշակողը պետք է տեսահսկման համակարգը օգտագործի միայն այն դեպքերում, երբ այլ եղանակներով անհնար է հասնել հետապնդվող նպատակին կամ պահանջվում է անհամաչափ ջանքեր։

Պետք է հավասարակշռություն լինի հետապնդվող նպատակի և նկարահանվող անձի մասնավոր կյանքի պաշտպանության միջև (արդյո՞ք անհրաժեշտ է տեսախցիկ տեղադրել բժշկական հաստատության սպասասրահներում)։ Տեսահսկողը պարտավոր է տեսանկարները մշակել այն նվազագույն ծավալով, որն անհրաժեշտ է օրինական նպատակներին հասնելու համար։ Տեսախցիկը պետք է տեղադրվի այնպես, որ նրա տեսադաշտ Ճշգրտորեն մտնեն միայն այն պատկերները, որոնք համապատասխանում են հսկողության նպատակին (համաչափության սկզբունք)։ Օրինակ, բնակելի շենքի տեսահսկման դեպքում պետք է անհնար լինի տեսնել, թե ով որ բնակարանն է մտնում։

Տեսաձայնագրում իրականացնելիս տեսահսկողը պարտավոր է հիմնավորել տեսաձայնագրման անհրաժեշտությունը։ Միաժամանակ, տեսաձայնային հսկողություն իրականացնող համակարգերի օգտագործման դեպքում տվյալներ մշակողը համաչափության սկզբունքին համապատասխան պարտավոր է հիմնավորել ձայնային վերահսկման անհրաժեշտությունը։

Տեսաիսկման արդյունքում հավաքված տվյալները (ներառյալ տեսագրությունները և նկարները) պետք է պահպանվեն հետապնդվող նպատակին հասնելու համար անհրաժեշտ ժամկետով։ Տեսախցիկով գրանցված անձնական տվյալները պետք է ջնջվեն որոշակի ժամկետում։ Մարդկանց և գույքի նկատմամբ կատարված հանցանքների արձանագրումը շատ դեպքերում տեղի է ունենում դրանց իրագործմանը հաջորդող ժամերում։ Ուստի հետապնդվող նպատակի տեսանկյունից 24 ժամը բավարար է տվյալների պահպանման համար, քանի դեռ այդ ժամկետում չի արձանագրվել անձանց կամ գույքին վնաս պատձառելու դեպք։ Սակայն օբյեկտիվ և կարևոր շարժառիթների առկայության դեպքում տվյալների պահպանման ժամկետը կարող է երկարաձգվել (համաչափության սկզբունք)։

Որքան տվյալներն ավելի երկար ժամկետով են պահվում, այդքան դրանց անվտանգության պահանջները պետք է խիստ լիննեն։

2.3 Թափանցիկության սկզբունք

Թափանցիկության սկզբունթը ներառում կողմից տեսահսկում υſh պարտականությունը անձանց իրականացնողի տեսահսկվող տեղեկացնելու տեսահսկման իրականացման վերաբերյալ **(բարեխղՃության սկզբունք)**, իսկ մյուս կողմից` տեսահսկվող անձանց իրենց անձնական տվյալների վերաբերյալ տեղեկություններ ստանալու իրավունքը **(տեղեկատվության մատչելիության սկզբունքը)։**

2.3.1 ԲարեխղՃության սկզբունք

Տեսահսկում իրականացնող սուբյեկտը տեսանելի նախազգուշացման միջոցով պետք է տեսախցիկների նկարահանման դաշտ մտնող բոլոր անձանց տեղեկացնի տեսահսկման մասին։ Այն դեպքում, երբ այդ պատկերները ցանկացած ձևով տեսաձայնագրվում են, տեսանելի ծանուցումը պետք է պարունակի նաև տեղեկություն, թե նկարահանված մարդիկ ումից կարող են ստանալ իրենց վերաբերյալ տեսագրությունը։ Օրինակ, բնակելի շենքում պետք է տեսահսկման վերաբերյալ նախազգուշացումն ակնհայտորոն տեսանելի լինի շենք մտնող յուրաքանչյուր անձի համար։

Եթե տեսահսկման տարածքն ընդարձակ է, տեսահսկողը կարող է ունենալ մի քանի նախազգուշացնող նշաններ կամ մեկ նշան՝ մուտքի դռան մոտ։

2.3.2 Տեղեկատվության մատչելիության սկզբունք

<<Անձնական տվյալների պաշտպանության մասին>> ՀՀ օրենքը սահմանում է, որ յուրաքանչյուրն ունի իր անձնական տվյալների մշակման մասին տեղեկություն ստանալու իրավունք։ Սա վերաբերում է նաև տեսահսկման միջոցով անձնական տվյալներ մշակելուն։ Օրենքի 15-րդ հոդվածի համաձայն` անձն իրավունք ունի ստանալ տեղեկություն իրեն տեսահսկելու եղանակների (օրինակ` տեսագրում կամ տեսաձայնագրում), հիմքերի և նպատակների, տեսահսկվող տվյալների ցանկի (սահմանների) և տեսագրությունը ձեռք բերելու աղբյուրների մասին, ինպես նաև այն անձանց շրջանակը, որոնց կարող է փոխանցվել իր տեսագրությունը։

Յուրաքանչյուր անձնական տվյալ մշակող՝ տեսահսկում իրականացնող պետական կամ մասնավոր մարմին պարտավոր է տեսահսկման սուբյեկտին հնարավորություն ընձեռել անվձար ծանոթանալու տեսահսկման սուբյեկտին վերաբերող տեսագրությանը (տեսաձայնագրությանը), իսկ եթե տեսահսկում իրականացնողը պահպանում է տեսագրությունը (այսինքն կա տեսագրությունը ձեռք բերելու աղբյուր), ապա տեսահսկման սուբյեկտն իրավունք ունի նաև ստանալ տեսագրության կրկնօրինակը (ձեռք բերել տեսագրությունը)։

Տեսահսկում իրականացնողը տեղեկությունները պետք է տրամադրի հասանելի ձևով, իսկ այդ տեղեկությունները չպետք է պարունակեն այլ սուբյեկտների անձնական տվյալներ։

Հարկ է նշել, որ տեղեկությունները պետք է տրամադրվեն անվձար, եթե օրենքով այլ բան նախատեսված չէ։ Տեսահսկման սուբյեկտը տեսագրությունը կարող է ստանալ նաև *իր* ներկայացրած կրիչով՝ կրկին անվձար։ Եթե տեսահսկման սուբյեկտը չի նշել, թե ինչ կրիչով է ցանկանում ստանալ տեսագրությունը, ապա այն տրամադրվում է տեսահսկում իրականացնողի համար առավել ընդունելի կրիչով:

Կարևորագույն սկզբունք է, որ անձի մասին տեղեկությունները չպետք է վաձառվեն նրան, իսկ վձարելու անհրաժեշտությունը պետք է կապված լինի միմիայն տեսագրության տրամադրման համար տեսահսկողի կատարած ծախսերը փոխհատուցելու հետ։

Տեղեկությունները պետք է տրամադրվեն գրավոր հարցումը ստանալուց հետո՝ հինգ օրվա ընթացքում (օրենքի 20-րդ հոդված, 1-ին մաս)։

Կարևոր է, որ տեսահսկում իրականացնողը սահմանի տեսահսկման և տեղեկությունների տրամադրման ներքին ընթացակարգեր, որովհետև այդպիսով տեսահսկվողի համար պարզ են դառնում տեսահսկման կանոնները, այն պայմանները, թե ինչպես, պատասխանատու որ անձի միջոցով տեսահսկվողը կարող է ստանալ իրեն հետաքրքրող հարցերի պատասխանը, ում և ինչպես պետք է դիմի իր տեսագրության մասին տեղեկություններ կամ տեսագրության կրկնօրինակը ստանալու համար, ինչպես կարող է ծանոթանալ իր տեսագրությունը մշակելու պայմաններին, ում և ինչպես պետք է դիմի իր տեսահսկվողի մոտ պահվող տեսագրության անվտանգության ապահովման հարցերով և այլն։ Ընթացակարգեր ունենալը խրախուսելի է, որը պետք է համապատասխանի <<Անձնական տվյալների պաշտպանության մասին>> ՀՀ օրենքին։

Տեսաիսկողը պետք է ունենա նաև բողոքարկման ընթացակարգեր, ներքին վերանայման մեխանիզմներ, բողոքին լուծում տալու ժամկետներ և այլն

2.4 Անվտանգության սկզբունք

1. Տեսահսկողական համակարգի պատասխանատուն պետք է կազմակերպական և տեխնիկական միջոցառումներ ձեռնարկի անձնական տվյալները չթույլատրված մշակումից պաշտպանելու համար (տվյալների անվտանգության սկզբունք)։

Օրինակ, գրանցված տվյալները պետք է պահպանվեն հուսալի և բանալիով փակ վայրում։ Տեսանկարների անվտանգությունն ապահովելու կարևոր պայմաններից է լավ պաշտպանված օպերացիոն կամ տեխնիկական, կազմակերպչական և ֆիզիկական համակարգերը։ Համակարգերը լավ են պաշտպանված, եթե լիազորված աշխատակազմից բացի ուրիշ որևէ մեկը մուտք չունի համակարգ։ Անհրաժեշտ է պարբերաբար ստուգել օպերացիոն համակարգերը, երաշխավորել տեսանկարների անվտանգությունը և գաղտնիությունը, կանխել դրանց կորուստը և անօրինական ձեռքբերումը։

Տեղեկատվական համակարգերում անձնական տվյալները մշակելու անվտանգությունն ապահովելուն ներկայացվող պահանջները, կենսաչափական անձնական տվյալների նյութական կրիչներին և տեղեկատվական համակարգերից դուրս այդ անձնական տվյալները պահպանելու տեխնոլոգիաներին ներկայացվող պահանջները սահմանվում են Հայաստանի Հանրապետության կառավարության 2015 թվականի հոկտեմբերի 15-ի N 1175-Ն որոշմամբ։

Մշակողները կարող են կիրառել նաև <<Տեղեկատվության անվտանգության կառավարման>> ՀՍՏ ԻՍՈ/ԻԷԿ 27000 շարքի միջազգային չափանիշներն այնքանով, որքանով դրանք իրենց էությամբ կիրառելի են կենսաչափական անձնական տվյալների նյութական կրիչների և տեղեկատվական համակարգերից դուրս այդ անձնական տվյալների պահպանման տեխնոլոգիաների նկատմամբ։

Ցանկացած տեսահսկման համակարգի նյութական կրիչ (օրինակ տեսախցիկ) պետք է ունենա եզակի նույնականացման համար և հաշվառված լինի մշակողի կողմից (ՀՀ կառավարության N 1175-Ն որոշում)։

2. Գրանցված կամ ուղղակիորեն հաղորդված անձնական տվյալներ մուտք ունեցող անձանց թիվը պետք է հնարավորինս սահմանափակ լինի (տվյալների անվտանգության և համաչափության սկզբունք)։

Օրինակ, սրձարանում միայն անվտանգության ապահովման համար լիազորված անձինք պետք է մուտք ունենան տեսախցիկների տվյալներին։ Անձնակազմի մյուս անդամների մուտքը պետք է արգելվի։

Տեսահսկման համակարգի էկրանները պետք է այնպես շրջված լինեն, որ միայն թույլատրված/լիազորված անձը կարողանա տեսնել պատկերները։ Հանրային էկրաններն արգելված են։

3. Գրանցված տվյալները չպետք է հրապարակվեն, բացառությամբ, եթե տվյալներն այլ անձանց փոխանցվում են օրենքով նախատեսված դեպքերում։

Օրինակ, առևտրային կենտրոնը իրավունք չունի երրորդ անձանց հանձնել կամ վաձառել գրանցված պատկերները, ինչպես նաև դրանք տեղադրել ինտերնետում։

3. Տեսաիսկման նպատակները

3.1 Տեսաիսկումը հասարակական վայրերում

Հասարակական վայրերում (փողոցներ, մայթեր, **հրապարակներ**, խաղահրապարակներ, զբոսայգիներ, պուրակներ, հանրային տրանսպորտի կանգառներ և այլ հասարական վայրեր) իրականացվող տեսահսկումը պետք է ունենա իստակ սաիմանված իրավաչափ նպատակ կամ նպատակներ և պայմանավորված լինի անիրաժեշտությամբ: խիստ Այդպիսի իրավաչափ նպատակ խիստ անիրաժեշտություն կարող են լինել՝

- ազգային անվտանգությունը
- հասարակական անվտանգությունը
- երկրի տնտեսական բարեկեցությունը
- հանցագործությունների և անկարգությունների կանխումը
- առողջության կամ բարոլականության պաշտպանությունը
- ալլոց իրավունքների և ազատություների պաշտպանությունը
- տրանսպորտային երթևեկության կարգավորումը

Հասարակական վայրերում տեսահսկումը կարող է իրականացվել նաև բնական և տեխնածին վտանգները կանխելու, անձանց արագ և դյուրին կերպով բուժօգնություն ցուցաբերելու նպատակով։

Փողոցների տեսահսկումն իրականացվում է նաև Ճանապարհային երթևեկության անվտանգությունն ապահովելու նպատակով, մասնավորապես, Ճանապարհային երթևեկության կանոնների խախտումները արձանագրելու շրջանակներում տեսագրությունները կամ տեսանկարները դրվում են վարորդներին վարչական պատասխանատվության ենթարկելու վարչական վարույթների իիմքում *(տես*՝ <<Տեսանկարահանող կամ լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքո)։

Հասարակական վայրերում տեսահսկումը կարող է իրականացվել միայն հանրային իշխանությունների կողմից (օր` քաղաքապետարան, ոստիկանություն)։

Հասարակական վայրերում տեղադրված տեսահսկման սարքերը չպետք է նկարահանեն բնակելի շենքերի մուտքը և ներսը, այդ թվում՝ պատուհաննները և պատշգամբները։

3.2. Տեսահսկումը պետական և մասնավոր հաստատությունների շենքերում

Պետական կամ մասնավոր հաստատությունների (հանրային իշխանության մարմինների գործունեության իրականացման համար տրամադրված շենքեր, թանգարաններ, ռեստորաններ, սրձարաններ, խանութներ, մարզադահլիձներ, բնակելի շենքեր) շենքերում տեսահսկումն իրականացվում է`

- անձանց և սեփականության անվտանգությունը ապահովելու
- գաղտնի տեղեկատվությունը պաշտպանելու
- անչափահասներին վնասակար ազդեցությունից պաշտպանելու

Նման հաստատություններում տեսախցիկները տեղադրվում են ընդհանուր օգտագործման վայրերում (շենքի մուտք, միջանցքներ, սանդուղքներ,ավտոկայանատեղի, անմիջական հարակից տարածք)։

Պետական և մասնավոր հաստատությունների շենքերի աշխատասենյակներում, հանդերձարաններում, սանհանգույցներում, հանգստի սենյակներում, լողասենյակներում տեսահսկումն արգելվում է։

3.2.1. Տեսաիսկումը աշխատավայրում

Աշխատավայրում տեսահսկման համակարգը տեղադրվում է բացառիկ դեպքերում, եթե դա անհրաժեշտ է անձանց անվտանգությունը և գույքը վնասից պաշտպանելու և նման արարքի հեղինակներին հայտնաբերելու, ինչպես նաև գաղտնի տեղեկատվությունը պաշտպանելու նպատակով, եթե այլ միջոցներով հնարավոր չէ հասնել այդ նպատակներին։

Աշխատավայրում տեսահսկման համակարգ տեղադրելուց առաջ տեսահսկողը պարտավոր է աշխատակազմին գրավոր տեղեկացնել համակարգի և աշխատողների իրավունքների մասին։ Նախքան տեսահսկման համակարգ տեղադրելը աշխատակիցներին անհրաժեշտ է բացատրել տեսահսկման անհրաժեշտությունը, նպատակը և նրանց իրավունքները։

Տեսախցիկները կարող են նկարահանել աշխատավայրի շենքի մուտքը և ելքը, միջանցքները, ինչպես նաև թանկարժեք ապրանքների գտնվելու վայրերը և պահեստները։ Տեսահսկման սարքերը չեն կարող նկարահանել աշխատողների աշխատասենյակները, բացառությամբ հատուկ հանգամանքների առկայության դեպքում (օր՝ աշխատողը, ով գործ ունի փողերի հետ։ Բայց այս դեպքում պետք է

նկարվի դրամարկղը, ոչ թե գանձապահը, պահեստը, որտեղ աշխատում են բանվորները)։

Ինչպես այլ վայրերում, այնպես էլ աշխատավայրում աշխատողները իրենց անձնական կյանքը հարգելու իրավունք ունեն։ Տեսահսկումն արգելվում է աշխատողների հանգստի և ընդմիջման սենյակներում, սանհանգույցներում և հանդերձարաններում։

3.2.2. Տեսահսկումը բնակելի շենքերում և բնակարաններում, առանձնատներում

3.2.2.1. Բնակելի շենքերում տեսահսկման համակարգը տեղադրվում է մարդկանց և գույքի անվտանգությունը ապահովելու նկատառումով։ Տեսահսկման համակարգը տեղադրելու համար պահանջվում է ձեռք բերել բնակարանների սեփականատերերի կեսից ավելիի գրավոր համաձայնությունը։ Շենքի բոլոր բնակիչները պետք է տեղեկացված լինեն տեսահսկման համակարգ տեղադրված լինելու մասին։

Բնակելի շենքերում տեսախցիկները կարող են նկարել միայն **շենքի մուտքը և ընդհանուր օգտագործման տարածությունները** (ընդունարան, միջանցք, սանդուղք, վերելակի դռներ, ավտոկայանատեղի)։

Արգելվում է տեսահսկել բնակարանների մուտքի դռները և պատշգամբները, բացառությամբ, եթե բնակարանի սեփականատերն ինքն է նման որոշում կայացրել կամ առկա է վերջինիս գրավոր համաձայնությունը։

Բնակելի շենքերում պետք է տեսահսկման վերաբերյալ նախազգուշացումն ակնհայտորեն տեսանելի լինի շենք մտնող յուրաքանչյուր անձի համար։

3.2.2.2. Անձը իր բնակարանում, առանձնատանը կարող է տեղադրել տեսախցիկներ իր անվտանգությունը ապահովելու համար¹։ Առանձնատան սեփականատերն իրավունք ունի տեսահսկել իր առանձնատունը և հարակից այգին, բայց չի կարող իր հողամասի սահմաններից դուրս նկարահանել, եթե չունի համապատասխան հարևանի համաձայնությունը։

Տեսագրությունները, տեսախցիկի միջոցով գրանցված նկարները չեն կարող օգտագործվել այլ նպատակներով (նկարները համացանցում տարածել), քան բնակարանի անվտանգության պաշտպանությունն է։ Դրանց օգտագործումը չպետք է վնաս պատձառի այլ անձանց իրավունքներին։ Անձինք նախազգուշացնող նշանների միջոցով պետք է տեղեկացված լինեն տեսախցիկների առկայության մասին։ Մասնավոր նպատակով իրականացվող տեսահսկումը հնարավոր է միայն սեփական տարածքում։

Եթե անհատը իր տանը տեղադրում է տեսախցիկներ և նրա տանը կան լրիվ կամ ոչ լրիվ աշխատաժամանակով աշխատողներ, ապա պետք է հաշվի առնվեն որոշակի կանոններ։ Այսպես, եթե աշխատողը տանը պահում է երեխաներին կամ, եթե յուրաքանչյուր օր բուժանձնակազմ է բնակարան գալիս հիվանդին խնամելու համար,

9

¹ Այս դեպքում տեսախցիկների իրավական կարգավորումը դուրս է Անձնական տվյալների պաշտպանության մասին ՀՀ օրենքի կարգավորման դաշտից, և բնակարանի սեփականատերը կարող է առանց իրավասու մարմիններին տեղեկացնելու և թույլտվությունը ստանալու տեղադրել տեսախցիկներ, պայմանով, որպեսզի չխախտվի հարևանների, այցելուների և անցորդների անձնական կյանքի իրավունքը։

ապա արս դեպքում գործում են աշխատավայրում տեսահսկման իրավական կարգավորման կանոնները։ Այդ անձինք պետք է տեղեկացված լինեն տեսախցիկների տեղադրման և դրանց նպատակների մասին։ Արգելվում է տեսահսկել լրիվ աշխատաժամանակով աշխատող աշխատողներին իրենց մասնագիտական գործունեությունը կատարելիս։

3.2.3. Տեսաիսկումը առևտրային հաստատություններում

Տեսախցիկները կարող են տեղադրվել հանրախանութներում, սուպերմարկետներում, ոսկերչական խանութներում, վարսավիրանոցներում, դեղատներում և այլն։ Նման վայրերում տեսախցիկները տեղադրվում են անձանց և գույքի անվտանգությունը ապահովելու նպատակով (օրինակ` կանխելու գողությունը կամ ավազակային հարձակումը և/կամ այդ արարքները կատարած անձանց)։ Այդ նպատակով տեսախցիկները կարող են տեղադրվել առևտրային հաստատությունների երթևեկելի գոտիներում և ապրանքների գտնվելու վայրերում։

Արգելվում է տեսախցիկներ տեղադրել հանդերձարաններում և սանհանգույցներում։ Տեսահսկման համակարգը չի կարող օգտագործվել որպես գործիք՝ ապահովելու անձնակազմի կողմից աշխատանքը պատշաՃ կատարումը։ Այնուամենայնիվ, այն կարող է օգտագործվել հայտնաբերելու դրամարկղից գողություն կատարող աշխատողին։ Երբ աշխատողի աշխատանքը կախված է փողի գործածման հետ, ապա տեսախցիկը ավելի շատ պետք է նկարի դրամարկղը, ոչ թե գանձապահին։

3.2.4. Տեսահսկումը կրթական հաստատություններում

Կրթական հաստատությունների ներսում տեսախցիկները կարող են տեղադրվել անձանց և գույքի պաշտպանության նկատառումով, ինչպես նաև պաշտպանելու անչափահասներին վնասակար ազդեցություններից (կանխելու աշակերտների միջև եւ նրանց հանդեպ բռնությունը, գողությունները, պատերի և դռների վնասումը, հաստատության գույքը և այլն)։ Տեսախցիկները կարող են տեսանկարել նաև կրթական հաստատությունների շենքերի արտաքին կողմը՝ ուժեղացնելու անվտանգությունը դրա շրջակայքում (կանխելու՝ բռնությունները, կողմնակի անձանց մուտքը)։

Կրթական հաստատություններում տեսախցիկները կարող են տեսանկարել հաստատության մուտքը/ելքը, սանդուղքը, միջանցքները։ Արգելվում է տեսանկարել հաստատության ներքին բակը, դասասենյակները, Ճաշարանը, կացարանները և մարզասրահները և այլն։

Անձանց և գույքի անվտանգության ապահովումը պետք է իրականացվի անձանց անձնական կյանք առավել նվազ ներխուժող եղանակներով։ Տեսախցիկների օգտագործումը պետք է լինի սահմանափակ և հանդիսանա լրացուցիչ միջոց անվտանգության այլ միջոցառուների թվում։

Միայն բացառիկ հանգամանքներն են հիմնավորում սովորողների և դասավանդողների տեսահսկումը (երբ կրթական հաստատությունները դառնում են

հաձախակի կրկնվող հակաօրինական արարքների թիրախ, օր. հաձախ են տեղի ունենում գողություններ)²։

4. Տեսահսկման չափանիշները

Տեսահսկման համակարգերը պետք է համապատասխանեն հետապնդվող նպատակին և բխեն համաչափության սկզբունքից։ Այս առումով տեսահսկողը պետք է հաշվի առնի հետևյալը՝

Տեսախցիկների քանակը, դրանց գտնվելու վայրը և կետայնությունը (resolution) պետք է համապատասխանեն տեսահսկման նպատակին, կազմակերպության գործունեության առանձնահատկություններին, տարածքի ընդհանուր մակերեսին, սենյակի կառուցվածքին և այլն։ Տեսահսկման համակարգը պետք է տեղադրվի այնպես, որ հնարավորինս քիչ տարածք վերահսկելով հնարավոր լինի հասնել հետապնդվող նպատակին։ Եթե նպատակին կարելի է հասնել ավելի ցածր կետայնությամբ տեսախցիկների օգնությամբ, ապա պետք է օգտագործել դրանք՝ խուսափելով ավելորդ անձնական տվյալներ մշակելուց։

Տեսանկարներից պետք է պարզ լինի տեսահսկման ժամը, ամսաթիվը, և վայրը։

Ուղիղ, իրական ժամանակում/ռեժիմում տվյալների փոխանցմամբ աշխատող տեսահսկումը կարող են իրականացնել միայն հատուկ թույլատվություն ունեցող անձինք (օրինակ, անվտանգության աշխատակիցները)։ Այս ռեժիմում աշխատող տեսահսկման համակարգի էկրանները պետք է այնպես շրջված լինեն, որ միայն թույլատրված/լիազորված անձը կարողանա տեսնել տեսապատկերները։ Հանրային էկրաններն արգելվում են։

5. Պատասխանատվություն

<<Անձնական տվյալների պաշտպանության մասին>> ՀՀ օրենքը խախտելու, այդ թվում անձնական տվյալ մշակելու (այդ թվում տեսահսկման միջոցով) օրենքով սահմանված կարգը խախտելու կամ տեսահսկման սուբյեկտի պահանջով մշակողի կողմից տեղեկատվություն չտրամադրելու կամ տրամադրման կարգը խախտելու համար սահմանված է վարչական պատասխանատվություն։ Քանի որ տեսահսկումը նույնպես անձնական տվյալների մշակում է, վարչական պատասխանատությունը վրա կհասնի նաև տեսահսկումն առանց օրենքով սահմանված հիմքերի, առանց օրինական նպատակի կամ օրենքով սահմանված կարգի խախտմամբ իրականացնելու դեպքում։ Օրենքը խախտելու համար սահմանված է տուգանք, որի չափը տարբեր խախտումների դեպքում տատանվում է 50.000 ՀՀ դրամից մինչև 500.000 ՀՀ դրամ (տես՝ Վարչական իրավախախտումների վերաբերյալ օրեսգիրք, հոդված 189.17)։

11

² Միջազգային պրակտիկայում համայնքն է որոշում, թե արդյո՞ք մանկապարտեզներում և տարրական դպրոցներում անհրաժեշտ է տեղադրել տեսախցիկներ, թե ոչ։

Անձն ազատվում է վարչական պատասխանատվությունից, եթե լիազոր մարմնի որոշմամբ սահմանված ժամկետում կամ մինչև վարչական պատասխանատվության ենթարկվելու վերաբերյալ որոշում կայացնելը անձը վերացրել է թույլ տված խախտումը և լիազոր մարմին է ներկայացրել ապացույցներ այդ մասին։ Սա վկայում է այն մասին, որ սահմանված պատասխանատվությունն ունի ոչ միայն պատժելու, այլ նաև անձնական տվյալների պաշտպանության իրավունքի խախտումները կանխարգելելու նպատակ։